

**«Бір ел- бір кітап» акциясын ұйымдастыру комиссиясының шешімі бойынша 2015 жылы жалпыхалықтық оқуға І.Есенберлиннің «Көшпенділер» трилогиясы тандалды.**

Аса көрнекті жазушы, Қазақ мемлекеттік сыйлығының иегері Ілияс Есенберлиннің туылғанына 100 жыл толуына орай және «Бір ел- бір кітап» акциясы шеңберінде «Көшпенділер» трилогиясын насихаттау мақсатында ОҚМУ-нің Ақпараттық білім беру орталығының №5 оқу залында «Қазақ тарихын зерделеген ұлы жазушы» атты оқырмандар конференциясы өтті. Іс-шараға «Филология» факультетінің студенттері және кітапхана қызметкерлері қатысты. Қазақ хандығының құрылғанына 550 жыл толуы кезеңімен тұспа-тұс келген кезеңде «Көшпенділер» тарихи шығармасын ел болып оқып, талқылаудың жас ұрпақты

## **«ҚАЗАҚ ТАРИХЫН ЗЕРДЕЛЕГЕН ҰЛЫ ЖАЗУШЫ»**

патриоттық рухта тәрбиелеуде маңызы зор. Аталған іс-шарада «Көшпенділер» трилогиясы және тарихи дерек» тақырыбында «Қазақ тілі мен өдебиеті» кафедрасының ф.ғ.к., доцент Ақжол Қалшабеков баяндама жасады. Қазақтың көрнекті жазушысы Ілияс Есенберлиннің шығармашылығы мен өмір жолы туралы презентация көрсетілді. Бейбітбек Ақбота жазушыға арнау оқыды. Оқырмандар конференциясында трилогияның мазмұнын ашатын арнайы дайындалған сұрақтар бойынша студенттер: Ахмет Бекзат, Қалан Алтынай, Исабек Әзімхан өз пікірлерін ортаға салып, ойларымен бөлісті. Іс-шараға арнайы қойылған «Есенберлин мұрасы» атты кітап көрмесі

оқырмандарға таныстырылып, кеңінен насихатталды. Іс-шара соңы Талипбай Айжан, Абдуразакова Назерке, Султанбекова Арайлымның орындауындағы өсем өндері қатысушылардың көңілінен шықты. Белсенді қатысқан студенттер алғыс хаттармен марапатталынды. Оқырмандар іс-шарадан Ілияс Есенберлиннің қаламынан туған Қазақ жұртының 500 жылдық тарихын суреттейтін «Көшпенділер» шығармасын ұлы дала мәдениеті, Қазақ хандығы туралы мол мағлұматтар алды.

**Халида ШАБУЛОВА**  
ОҚМУ-нің АБО сектор меңгерушісі

